



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola III. Clementis Papae III. Ad Henricvm Regem Angliae. De eodem.

urn:nbn:de:hbz:466:1-15974

hactenus regię serenitati detulerit : quia tamen clamor ipſius ad nos indubitata fide peruenit, nequiuimus errata ſua vltcrius ſub diſſimulatione clauſis oculis præterire ; propter quod nihil in hac parte credimus actum, de quo debeat animus regius quacumque ratione moueri. Rogamus autem deuotionem tuam prece & affectione qua poſſumus, & monemus in Domino, quatenus memoratum Ioannem epiſcopum, quem nos & fratres noſtri pro ſui honeſtate ſincero corde diligimus, pro reuerentia apoſtolicę ſedis & noſtra in viſceribus caritatis commendatum habeas & acceptum, remiſſa, ſi qua fuerit, conceptę indignationis offenſa, ipſum in omnibus regia clementia & benignitate pertractes. Credimus equidem, quod de induſtria & probitate ipſius tibi & regno tuo, auctore Domino, multum accedere poterit incrementi, & nobis vſque quamgratum exiſtet, ſi optatum apud regias aures preces noſtrę ſortiantur effectum. Datum Piſę decimoſeptimo Kalendas Februarii, indiſtione ſexta.

EPISTOLA III.

CLEMENTIS PAPÆ III.

AD HENRICVM REGEM ANGLIÆ.

De eodem.

Clemens epiſcopus ſeruus ſeruatorum Dei Henrico illuſtri Anglorum regi ſalutem & apoſtolicam benedictionem.

CVM ab apoſtolica ſede preces ſuſcepit regalis excellentia, auctoritas & poteſtas, quas eccleſiis in ſuo ſtatu ſeruandis, & multorum ſaluti expediri effectui mancipare, diligenter eas debet regia ſublinitas exaudire, & tanto fortius & ſeruentius intendere, vt effectum conſequantur optatum, quanto certius fuerit, quod earum deuota ſuſceptio & diligens executio regalem gloriam reſpicit pariter & ſalutem. Hinc eſt quod ſerenitati regię pro venerabili fratre noſtro Ioanne epiſcopo ſancti Andree literas apoſtolicas & preces duximus cum fiducia deſtinandas, altitudinem regalis eminentię quanta poſſumus affectione rogantes, monentes, atque in remiſſionem peccatorum omnium iniungentes, quatenus pro re-

E iij

uerentia beati Petri & nostra, & persecutionis eius obtentu, quam certum est ipsum iam longo tempore pertulisse, carissimum in Christo Vvilielmum filium nostrum illustrem regem Scotorum moneas attentius, & inducas, & si necesse fuerit districtione regali, qua ei pramines, & concessa tuæ regis celsitudini potestate compellas, vt totius indignationis suæ rancorem, (quam erga episcopum concepit quorundam malitia susurrorum) regiam dignitatem & salubria opera pietatis attendens, ei qualibet occasione remota condonet, & diocæsin sancti Andree, quam de communi fratrum consilio & assensu summus pontifex sibi perpetuo confirmavit, de cetero ipsum quiete permittat & absque calumnia possidere. Cum & ipse paratus existat regis maiestati, prout fuerit consentaneum rationi, existere in omnibus obediens & fidelis. Datum Pisæ xvii. Kalendas Februarii, indictione sexta.

EPISTOLA IV.

CLEMENTIS PAPÆ III.

AD CLERVM EPISCOPATVS SANCTI ANDREÆ.

Pro Ioanne episcopo sancti Andree.

Clemens episcopus seruus seruorum Dei vniuerso clero episcopatus sancti Andree salutem & apostolicam benedictionem.

LICET in rebus dubiis valeant aliqui suam astutiam seu malitiam ostentare, cum tamen scrupulus fuerit, & articulus dubietatis amotus, & manifestis indiciis apparuerunt vestigia veritatis, penitus sunt deuia relinquenda, & rectitudinis tramites inquirendi pariter & seruandine, quod absit, aliter agentibus, & in sua pertinacia consistentibus, post flagella presentia pœnasque condignas perpetuæ mortis interius supplicio deleantur æterno. Volentes ergo paterna sollicitudine vestræ salutis prospicere, & vtilitatibus & quieti vestræ prouidere, vniuersitati vestræ per apostolica scripta mandamus atque præcipimus, & in obedientiæ virtute iniungimus, quatenus infra quindecim dies post harum susceptionem venerabilem fratrem nostrum Ioannem episcopum vestrum, in